



周益文忠公集一百十六 玉堂類稿卷第十六

大禮御禮

大禮冊文國書
致答宣賀詞俯

淳熙三年

郊祀大禮御禮

六月五日

勅内外文武臣僚等天地有覆載生成之德非精禋
無伸報本之誠祖宗有光明盛大之功非陟配無以
展奉先之孝粵若 累朝之定制具嚴三歲之親祠
既疏之數適中亦情文之備奉自予纂紹弥極寅恭
四行郊廟之儀久 神天之祝親虔萬壽方開七十
載之祥農畷萎豐幾有再三登之象外則邊陲之綏

靖內馬民裕之阜康顧誠感之甚昭曷宗祈之敢息
乃卜陽來之旦載殫躬見之勤庶永祚於邦家旦祝
鑿於夷夏誕享辟聽明戒先期朕以今年十一月十
二日謁款於南郊咨爾攸司各揚乃職相予肆祀罔
或不恭故茲禮示想宜知悉

大禮冊文

乾道六年

知祀大禮前二日朝獻景靈宮聖祖天尊大帝
冊文

伏以赫赫有來受天明命發祥流祉肇自聖德猥以
寡昧紹承慶基報本奉先疇敢不慤日至之吉將見
上帝前期朝獻有飶其香對越在天昭假不違於萬
斯年裕後無極

前一日朝享太廟祖宗帝后冊文

伏以物本乎天人本乎祖自古在昔假廟乃郊粵惟
涼德獲慕丕緒爰卜景至大板反始祇見裸以圭瓚
列聖如在儼然肅然烝享苾芬神保是格有秩斯祐
於時篤之

前一日朝享太廟別廟懿節皇后冊文

伏以懿範在天徽音有嗣寧神別廟歷年於茲綏予

周在公又集三皇廟卷一
孝子親纂克緒既齋既戒大旅於郊先事薦裸厥有
彝典豆籩惟楚樊王惟絜和樂九變誠心是孚其德
不回降福來格

郊祀大禮祭享昊天上帝冊文 十一月六日

伏以大哉乾元實祖群物包函徧履陰陽下民飲惟
曆數屬在冲馭寅威室命不敢迨遑歲當躬郊精意
以享高高在上聽卑悲悅事親保民申以眷祐期懋
厥德永承天休

郊祀大禮祭享皇地祇冊文 同前

伏以直方而大忱潛而剛舍生賦形罔不持載猥以
寡昧司牧黎元夙夜祇畏期贊化育仲冬景至合祭
惟時有黜斯牲有黃斯琮在城雖孚物則奚稱來顧
來祐永綏萬邦

郊祀大禮太祖配享冊文 同前

伏以布昭聖武造我區夏燕及皇天啟祐後人肆維
涼薄獲承大器勉勉夙夜惧忝前烈躬執圭幣三熙
紫壇思我祖克配以妥鍾純繹豆籩靜皆庶其顧歆
茂戒繁祉

郊祀大禮太宗配享冊文 同前

伏以天祚炎德二后受德丕承文謨無競武烈積善

重裕逮於冲耿仲冬日至習歲維祥言登郊丘於薦
牲玉齋明內竭禮樂外舉神祇來假陟配在天既右
伊嘏永言保之

淳熙三年

郊祀大禮前二日朝獻景灵宮聖祖天尊大帝
冊文

維淳熙三年歲次丙申十一月壬寅朔十日辛亥嗣
皇帝臣御名謹再拜稽首上啟 聖祖上靈高道九
天司命保生天尊大帝伏以郊之為祭大報反始惟
我國家本支百世如海皓皓發源也長如木彬彬植
根斯久施及涼昧獲典神天將秋元祀禮有來獻開
先之德既弗敢綏燾後之功尚永厥福謹言

前一日朝享太廟祖宗帝后冊文

維淳熙三年歲次丙申十一月壬寅朔十一日壬子
孝曾孫嗣 皇帝臣 御名敢昭告於帝后伏以天地
之祭宗廟之祀著在礼器是之謂綸維德弗類纂承
祖烈卜以日至爰熙紫壇於穆清廟夙致孝享牲用
角握舞用九罄群工駿奔四海來助威靈如在綏我
思誠謹以嘉玉量幣一元太武柔毛剛鬣明粢薌合
薌箕嘉蔬嘉薦備臣祀尚饗

郊祀大禮祭享昊天上帝冊文

維淳熙三年歲次丙申十一月壬寅十二日癸丑嗣
天子臣御名敢昭告於昊天上帝伏以古先哲王奉
若天道或以馨治感於神明或以異心昭事上帝內
脩寡昧敢曰能知惟是親郊欽迪彝典貴誠尚質匪
脩其文犧牲既成煙燎既達庶無罪悔用保人民謹
以玉帛犧齊粢盛庶品肅展煙祀式昭誠欽大祖啟
運立極英武睿文神德聖功至明大孝皇帝太宗至
仁應道神德聖功文武烈大明廣孝皇帝配神作主
尚饗

郊祀大禮祭享皇地祇冊文

維淳熙三年歲次丙申十一月壬寅朔十二日癸丑
嗣天子臣御名敢昭告於皇地祇伏以坤德無疆何
生不育竭誠冬報其敢憚勞合祭國南視古泰折勅
躬齋戒嘉服上黃方鼎平琮靈茅瑞稷庶幾宴享賚
以蕃釐時和歲豐迓安遠至舉埽持載敬用禱祈謹
以玉帛犧齊粢盛庶品消選休成肅若舊典太祖啟
運立極英武睿文神德聖功至明大孝皇帝太宗至
仁應道神功聖德文武睿烈大明廣孝皇帝配神作
主尚饗

郊祀大禮太祖配享冊文

維淳熙三年歲次丙申十一月壬寅朔十二日癸丑
孝曾孫嗣皇帝臣御名敢昭告於太祖啟運立極英
武睿文神德聖功至明大孝皇帝伏以蒼籙肇基功
推后稷三分有二德在文武既配波天亦配上帝惟
我藝祖功德兼隆創業垂統有光在昔歲郊祀對越
神祇子孫保光敢不駿惠卜年過曆期邁有周謹以
制幣犧齊粢盛庶品備成熙事侑神作主尚饗

郊祀大禮太宗配享冊文

維淳熙三年歲次丙申十一月壬寅朔十二日癸丑
孝曾孫嗣皇帝臣御名敢昭告於太宗至神應道神
功聖德文武睿烈大明廣孝皇帝伏以資生資始履
載難名丕顯丕承謨烈可配於乎二后肇造我家中
壇合祀久矣並侑迎日至載藏上儀金石照融犧牲
博碩神哉虞億是饗是宜垂休無寧以介景福謹以
制幣犧齊粢盛世品備成熙事侑神作主尚饗

淳熙六年

明堂大禮朝獻景靈宮聖祖天尊大帝冊文

維淳熙六年歲次己亥九月丙辰朔十四日己巳嗣
皇帝臣御名謹再拜稽首上啟 聖祖上靈高道九

天司命保生天尊大帝伏以肇啟真緒源深流長顯
陳休符錫祚無極施及涼昧纂承丕圖明堂孔陽將
舉禋禮言趨秘宇祇薦令芳既開其先必裕乃後敢
忘勵翼永紹淵宗謹言

前一日朝享大廟祖宗帝后冊文

維淳熙六年歲次己亥九月丙辰朔十五日庚午孝
曾孫嗣皇帝臣御名敢昭告于祖宗后帝伏以三
歲親祠我家盛禮內循菲德祇適彝章穆卜季秋肇
煙陽館先期蝦廟備飾齋誠群工駿奔以賤來助鬱
尊灌鬯樂舞振庭對越在天淳熙用介謹以嘉玉量
幣一元太武柔毛剛鬣明粢薌合薌其嘉蔬嘉慶式
陳明薦尚饗

前一朝享太廟別廟懿節后冊文

維淳熙六年歲次己亥九月丙辰朔十五日庚午孝
子嗣皇帝臣御名敢昭于皇妣懿節皇后刑氏伏
以十亂之功獨尊文母賓空雖久遺範故存卜歲習
祥禮紆世室臨裸別廟優然懷思笙鋪純籩豆豐潔
歆時孝享垂佑家邦謹以同前

明堂祭享昊天上帝冊文

維淳熙六年歲次己亥九月丙辰朔十六日辛未嗣

天子臣御名敢昭告于昊天上帝伏以惟皇無私臨
下有赫親德饗道聰明自民揚惟菲躬祗荷眷祐五
脩郊報浹宇又安載稽舊章倣講宗祀物難仰稱誠
或居歆迄用康年敢忘寅畏謹以玉帛犧齊粢盛庶
品肅展裡祀或昭誠欽太祖啟運立極英武睿文神
德聖功至明大孝皇帝太宗至仁應道神功聖德文
武睿烈大明廣孝皇帝配神作主尚饗

國書

軋道六年十月答金國賀會慶節

使耶子敬
副張謹言

遠馳使傳申講和儀記載育之初辰特達嘉貺堅無

窮之求好敷惠群生式循厚意之臨奚諭感悰之切
氣鍾寒律福介時和

軋道六年十一月遣使賀來年正旦

使呂正己
副辛堅之

贊陽布德天回萬宇之春講信親仁結兩朝之好旅
陳禮幣臨遣使車既因物以見誠亦順時而善頌異
純綏嘏永底太和

軋道七年正月答賀正旦

使蒲景愿
副韓綱

斗柄東回誕布始和之令星輶北至載通脩睦之懽
書語溫然幣億腆甚方益隆于世好知丕擁於春祺
欣感交懷喻言靡究

軋道七年正月遣使賀生辰 使趙雄副趙伯驥

景淑三春式屆誕弥之節壽先五福敢申善頌之誠
預遣使輶遠持慶幣用祝天後之美冀延下世之期
共庇黎元永鑒明好

軋道七年十月答賀會慶節 使烏林答天錫副李文蔚

三冬季孟適臨載誕之期兩國交懽方重益親之義
遠勤信使寵昇慶儀味詞意之加隆激感悰而弥厚
寒威協序吉履增休

軋道八年遣使賀生辰 使崔祿副祖士榮

獲初吉於季春素傳令節開殊祥於甲觀茲紀誕辰
方交阜於群生宜丕延於多祉肅馳使傳虔致壽儀
惟頌詠之弥勤匪喻言之可究

淳熙二年十月答賀 會慶節使元顏禧副盧

璣

陽月應期記菲涼之載育親仁脩睦勤使介以俱來
歸形盟好之言備致壽祺之祝情詞兩至儀物兼豐
在感臆以增深豈緘書之能究

淳熙二年十一月遣使賀來年正旦 使謝廓然副黃夷仔

軋坤交泰熙和氣於春臺南北通歡躋庶民於壽域
遠馳信使虔致慶儀冀臻視履之祥庸對發生之序

周益公文集卷之六
頌言斯至敷還奚殫

淳熙三年正月答賀正旦 使元顏治副高運日
歲序載新允協夏時之正民生交阜共欣春物之榮
已遠致於慶儀乃專勤於華使披緘書之甚厚閱禮
幣之維豐感篆弥深願言曷究

淳熙三年十一月遣使賀來年正旦 使閔蒼舒
副李可久

行夏之時方肇新於歲律受天之祐宜丕集於春祺
飭遣使人肅將禮幣庸展泰享之慶益堅鄰好之脩
頌詠居多諭言曷究

淳熙四年正月答賀正旦

正月日大宋皇帝謹奉書於大金應天興祚欽文廣
武仁德聖孝皇帝闕下新元肇紀慶萬物之發生舊
好益堅嘉群黎之康阜遠勞信使寵况華緘既備及
於春祺復旅陳於禮幣欽認勤渠之意良深感澤之
情今正旦使副回謹專奉書陳謝不宣

淳熙四年十月答賀 會慶節 使元顏忠副曹士元

時屬上冬日館載育勤使華於萬里締盟好於億年
况以緘書申之篚幣惟慶儀之甚腴知春意之加隆
其在感歲曷勝敷叙

淳熙四年十一月遣使賀來年正旦

十一月日大宋皇帝謹奉書于大金應天興祚欽文廣武仁德聖孝皇帝闕下樂歲載新慶三陽之交泰歡盟弥固與萬物以皆春飭遣輶車肅持菲幣奠緝熙於繁祉共康乂於黎元頌詠良深敷陳罔既今差翰學士朝請大夫知制誥兼侍讀普寧郡開國侯食邑一千戶食實封一百戶賜紫金魚袋錢良臣嚴州觀察使知閣門事兼客省四方管事永豐縣開國伯食邑七百戶延璽充賀正旦罔信使副有以禮物具諸別幅謹專奉書不宣

淳熙五年正月答賀正旦

二儀交泰曆頒歲序之元萬彙向榮人遂春臺之樂遠紆使傳申締歡盟昭厚意於緘書繁多儀於信幣其為感懌未易敷陳

淳熙五年正月遣使賀生辰

某月日大宋皇帝謹奉書於大金尊號皇帝闕下月紀季春屬光風之轉蔥日臨初吉應飛電之統樞祇遣使殫具陳慶幣奠萬年之美常通兩國之歡頌詠惟勤指陳莫諭今差朝散大夫試禮部尚書信安郡開國侯食邑一千戶食實封一百戶賜紫金魚袋

趙思某州觀察使知閣門事兼客省四方館事某縣
開國伯食邑七百戶鄭槐充賀生辰國信使副有以
禮物具諸別幅謹專奉書不宣

淳熙六年正月遣使賀生辰

春華正茂暢和氣於芳辰誕歲載臨對休符於令旦
肅馳使傳備展慶儀冀萬壽之丕延底群生交阜茲
為頌詠豈易敷陳今差龍圖閣學士朝散大夫提舉
佑神觀兼侍講清化郡開國侯食邑一千戶食實封
一百戶賜紫金魚袋錢冲之潭州觀察使知閣門事
兼客省西方館事泰寧縣開國伯食邑七百戶劉咨
充賀生辰國信使副有以禮物具諸別幅謹專奉書
不宣

致賀并宣答詞

乾道六年

郊祀大礼卑端誠殿受賀內侍宣答管軍詞

有制氣應黃鍾禮行紫時賴爾總提於七萃俾予祗
肅於一純既迄煙乃旋齋幄禮成之慶與卿同之

閣門宣答樞密詞

有制于廟于郊有嚴躬祀如幾如式無媿祝辭賴樞
機踴相之功拜寧旻傳臨之况同前

樞密宣答宰臣詞

有制朕親駕竹宮欽修柴燎繫上公之協贊率多士
以駿奔天地居歆人神喜月前

麗正門肆赦閣門宣答宰臣詞

有制陽陔踐豆已成饗帝之能端闕旋衡遂廣配天
之澤敷錫之慶與卿等同之

軋道七年

加上太上皇帝尊號冊宝行礼畢皇帝致詞賀

太上皇帝正月

皇帝臣稽首言伏惟 光光壽聖憲天休道太上皇
帝陛下茂對春元載膺帝號二儀並况万壽無疆

侍中承旨宣答

光光壽聖憲天休道太上皇帝聖旨 皇帝翁受漢
螯懋昭舜孝自欣之子勉對強名

皇帝致詞賀太上皇后

皇帝臣稽首言伏惟壽聖明慈太上皇后博厚承天
輝光邇日隆佑名並受薄海同歡

內侍承旨宣答

壽聖明慈太上皇后聖旨 皇帝儲休郊廟歸美庭
闈力避無從靜言有愧

太傅率文武百僚稱賀 太上皇后

具官臣某等稽首言伏惟光克壽聖憲天体道太上
皇帝陛下律應正天名增太極彰元后事親之事符
封人祝聖之心

侍中承旨宣答

光克壽聖憲天体道太上皇帝聖旨迫於勤請益此
徽称礼冠古初度均國家

皇太子受冊畢班首文武百僚稱賀皇帝詞 三月

二十三日

臣某等言伏惟皇帝陛下乾健無窮離明有助涓辰
受冊浹宇均懽臣等幸列班聯尤深慶抃

侍中承旨宣答

朕惟懷永圖豫建太子億寧方夏肇因宗祧典禮
成與卿等同慶

淳熙二年

加上太上皇帝尊號冊宝行礼畢皇帝致詞

太上皇帝 十一月

皇帝臣 御名稽首言伏惟尊號太上皇帝陛下壽同
天永名與日新典冊揚輝華夷賴慶

左丞相承旨宣答

尊號太上皇帝聖旨皇帝迎陽展采鏤牒恭親何幸
吾身屢親盛事

皇帝致詞賀太上皇后

皇帝臣御名稽首言伏惟尊號太上皇后殿下輔佐
父慈恢隆母道載鋪懿鏤允協嘉祥

內侍承旨宣答

尊號太上皇后聖旨皇帝誠心備著榮號頌加盛典
之成慈懷以懌

皇太子率文武百僚致詞稱賀 太上皇帝

皇太子臣某等稽首言伏惟 尊號太上皇帝陛下

承天之祐益延安樂之年迎日之長載受鋪張之冊
和家大慶臣庶同歡

左丞相承旨宣答

儀物充廷簪紳在列名雖予德慶則汝同

皇帝詣得壽宮慶壽致詞賀 太上皇帝 十二月

十七日

皇帝臣御名稽首言天祐君親錫茲難老維春之吉
年德加新臣御名與群臣等不勝大慶謹上千萬歲
壽

侍中承旨宣答

酌此春醪介予眉壽家邦盛事允應慈懷與皇帝并
百僚內外同慶

淳熙三年

皇后受冊畢內命婦稱賀詞語十月

伏觀授冊楓宸流徽椒極懽均六寢美繼二男恭惟
皇后殿下慈惠儉勤柔明莊裕誕膺金璽增煥玉衣
妾等幸比買魚獲陪賀燕願益尊於媚則庶永賴於
母儀

外命婦稱賀詞語

伏觀壺儀內正王化外基地道有光人心胥悅恭惟
皇后殿下見天表異夢月開祥爻佐聖明椒膺典冊
妾等並依持載欣預榮觀昔聞恭儉於母家今見化
成於婦道

郊祀大禮畢端誠殿稱賀樞密宣答皇太子以
下詞

有制朕輯古盛儀躬郊吉士惟諸副謹貳觴之獻惟
臣鄰陪肆祀之恭上帝博臨百神受賤禮成之慶與
卿同之

閣門宣答樞密已下詞

有制登泰時以展儀甫成鉅典即甘泉而受賀爰舉

周文公集禮記卷之六
舊章有嘉樞近之臣實致齊明之助禮成之慶與卿等同之

內侍宣答管軍詞

有制一純二精載秩欽柴之祀千乘萬騎備觀扈蹕之勞旅賀于庭益嘉乃志禮成之慶與卿同之

郊祀大禮畢登門肆赦稱賀宣答皇太子已下

詞

有制壇飭紫宮備成煙祀樓登丹鳳丕錫湛恩坐令夷下之民均被軋坤之况若時大慶與卿等同之

淳熙四年

進呈仁宗皇帝玉牒 徽宗皇帝實錄今上皇

帝玉牒畢宣答提舉官已下詞

有制一朝大典纂遷有年逮茲奏篇足以傳遠禮成之慶與卿同之

淳熙六年

明堂大禮畢 皇帝詣德壽上壽飲福致詞賀

太上皇帝

皇帝臣御名謹率文武百僚稽首言饗帝合宮受天純嘏御名與百僚等不勝大慶謹上千萬歲壽

侍中承旨宣答

太上皇帝聖旨得皇帝壽酒與皇帝并百僚内外同慶

玉堂類稿卷第十六

周益文忠公集一百十七 玉堂類稿卷第十七

祝香火文祝文祭文附

軋道六年

大禮畢車駕詣景靈宮恭謝祝香火 十一月二十七日

今皇帝歲事恭壇已拜慶成之祝告虔原廟載昭垂裕之功供養 聖祖天尊大帝伏願 皇帝聖德日新純休天錫益介萬年之壽永覲四海之安稽首歸依無極大道

軋道七年

孟春車駕景靈宮朝獻祝香文

周至公集卷之二
孟春屆候法駕親臨恭焚寶香供養 聖祖天尊大
帝伏願皇帝克天偏覆舜日光昭庶民咸樂於熙臺
萬物均陶於煖律皇圖有永睿美無窮稽首歸依無
大道

孟夏車駕詣景靈宮朝獻祝香文

孟夏屆候法駕親臨恭焚寶香供養 聖祖天尊大
帝伏願 皇帝法天履燾如日昭靈敢慈室以示民
運道樞而應物矣圖愈赫鴻美弥長

孟冬車駕詣景靈宮朝獻祝香文

孟冬屆候法駕親臨恭焚寶香供養 聖祖天尊大
帝伏願 皇帝威加四海慶協三靈頌書大有之年
永錫無疆之壽溥均和氣胥暨群倫

乾道八年

孟春車駕詣景靈宮朝獻祝香文

伏願皇帝仁恩無外聖澤如春運一氣於化樞納万
方於壽域永膺純祐翁受繁

淳熙二年

孟冬車駕詣景靈宮朝獻祝香文

伏願仁施寒谷威靈朔方散和氣於康年協休祥於
良月坐使敷天之衆常傾愛日之心

淳熙四年

孟春車駕詣景靈宮朝獻祝香文

孟春屆候法駕親臨恭焚宝香供養 聖祖天尊大帝伏願 皇帝德參履載恩冒華夷一氣熙春無匹夫之不被萬年御曆與大極以常尊

孟夏車駕詣景靈宮朝獻祝香文

伏願并包中夏茂对正陽清微之風常長養於庶物舒長之日永昭臨於四方

孟秋朝獻祝香文

伏願德威遠暢聖業光隆億万斯年燦壽星於南極十千維耦歌樂歲於西成

孟冬朝獻祝香文

伏願恩加動植教暨朔方南十月為陽誕節慶克年之永三登曰泰頌聲歌周稼之豐

祝文

乾道六年

郊祀大礼奏告五歲祝文

三歲親祠國之大事瞻言歲鎮素赫威灵陰相之功齋心以異

奏告四瀆祝文

國祭大川禮經所載矧當禋祀敢緩虔祈冀郊珎符
協成熙事

郊祀大禮添修雅飾太廟殿宇等畢工告遷祖
宗帝后神主并別廟神主還殿室時前奏告祝
文 一十三首同一詞

伏以郊類載脩宗初來格沈沈之厦奕奕以新將奉
貞游言旋祐室威靈在上敢告虔

別廟時前奏告懿節皇后祝文

躬郊之歲親饗闕宮預謹繕脩聿觀輪奐逮茲訖事
將綏神棲敬舉舊制先時以告

安穆皇后安宮皇后祝文

將祀郊丘乃臨廟室攸司庀役後飾有儀工迄厥成
神歸於舊先時致告其必安之

雅飾太廟畢工告遷奉安祝文

躬郊至重飾廟為先方疋事之初常仰勤於移御逮
落成之後敢以綏於寧神冀安有恤之宮永錫無疆
之祐

別廟正奉安懿節皇后祝文 一首同前

安穆皇后安泰皇后祝文 二首同詞

伏以爰熙郊壇先裸廟寢載瞻舊室加賁新工涓日

之良宅神于是淑靈如在多祉永孚

郊祀大礼礼畢告謝五嶽四瀆祝文 天慶觀

維乾道六年歲次庚寅十一月丁丑朔某日皇帝御

名伏為郊祀大礼礼畢告謝謹遣入内内侍省西頭

供奉官李唐弼敢昭薦於五嶽四瀆伏以祗紹鴻基

載登圖陞盛儀丕就浹宇均懽雖氣橫流本上帝博

臨之應而美光參燭亦百神陰相之休昭謝有常致

誠無斁

郊祀大礼礼畢祭謝南鎮會稽山永濟王祝文

迎日之長燔柴泰時荷天眷佑熙事慶成仰止名山

近臨如旬恪申昭謝以達誠心尚饗

郊祀大礼礼畢祭謝五嶽四瀆祝文

維乾道六年歲次庚寅某月朔日皇帝御名伏為郊

祀大礼礼畢謹遣某官敢昭薦於潭州南嶽司天照

聖帝 明州東海助順孚聖廣德威濟王廣州南海洪

聖廣利昭順威顯王益州南瀆大江昭灵孚應 威烈廣

源王 伏以順迎至景肅展嚴禋咸秩百神哀時之

對飲惟四望幽贊上儀報謝有常敢忘其舊尚饗

郊祀大礼礼畢祭謝五嶽四海四瀆祝文 係道末

維乾道六年歲次庚寅某月朔日皇帝御名伏為郊

西嶽金天順聖帝北嶽安天元聖帝中嶽中天崇聖
帝西海通聖廣潤王北海通聖廣澤王東瀆大淮顯
佑昭應長源王西瀆大河顯聖靈源王北瀆大濟清
源王伏以悖宗將禮咸秩無文矧惟方望之祠曾是
封疆之阻敢告成於熙事冀重鑒于遐悰尚饗

祭謝安穆皇后安宮皇后祝文

二首
同詞

維乾道六年歲次庚寅十二月丙午朔十日乙卯皇
帝御名伏為郊祀大禮禮畢恭遣某官敢昭薦於安
穆皇后乃者順迎至景祇款泰壇被祭服而思蠶繅
之功對絜粢而懷種桂之獻既竣盛禮益愴遺芳致
謝有常敢忘其舊

加上尊號冊室前三日奏告天地祝文二首社

稷祝文

二首不稱臣
用御名

太一宮祝文一首

維乾道六年歲次庚寅某月朔日嗣天子御名伏為
大禮慶成加上 光克壽聖憲天体道大上皇帝
壽聖明慈太上皇帝尊號冊室前三日謹遣某官敢
昭告于昊天上帝伏以受禪之始受敬事親當翮衆
心並崇徽號逮今九載三展禋祀德陽恩普中外闔
懌匪加稱謂曷彰婦美已諏穀旦將舉禮文邦家大
慶不敢不告尚饗

奏告太廟別廟景灵宮祝文

太廟別廟共二十四首景灵宮三首

維乾道六年歲次庚寅某月朔日孝曾孫嗣皇帝臣御名伏為同前詞

祭告安穆皇后安恭皇后殯宮祝文 各一首

維乾道六年歲次庚寅某月朔日皇帝御名伏為大禮慶咸加上光堯壽聖憲天体道太上皇帝壽聖明慈太上皇后尊號冊宝前二日恭遣某官昭薦于安穆皇后住膺內禪首上鴻名茲成郊廟之慶儀益佩尊親之慈訓載崇盛典重衍徽稱命告先期冀孚至意

補種窠木修飾殯宮奏告安穆皇后安恭皇后

祝文

伏以穆瞻吉壤實寓殯宮封植加新繕修惟舊先期以告冀灵之安

乾道之年

仲春薦獻安穆皇后安恭皇后祝文

維乾道七年歲次辛卯二月丙午朔某日皇帝御名恭遣某官昭薦于安穆皇后春律載中僊輶茲冒帳燕祺之在候想輦翟以興懷時祭有常淑靈來顧尚饗

立皇太子奏告天地宗廟社稷宮觀等祝文天

地二首社稷二首太一宮一首景灵宮祖宗諸帝

神御一首諸后神御一首並同詞

維軋道七年歲次辛卯二月丙午朔十日乙卯嗣天子臣御名伏為立第三子某為皇太子謹遣某官敢昭告于天地伏以立嗣必子所從來遠矣顧惟涼菲奉承聖緒而儲副虛位夙夜不敢康選自恭即進司匕鬯所以永邦圖隆國本也仰祈靈鑒陳錫無疆

宗廟祝文

十一首懿節皇后一首安穆安恭皇后各一首

伏以祗紹聖圖思隆國本選繇恭即俾踐儲闈主鬯有嚴承祧是屬若時盛舉必契靈心

安穆安恭皇后殯宮祝文

有子而賢升儲惟允眷言在昔嘗著母儀既闢東宮益懷中閫式陳嘉薦維以告虔

淳熙二年

安穆皇后安恭皇后殯宮禁地內置立封堠行

修蓋館舍勳士祭告祝文

二首一詞閏九月十二日

維淳熙二年歲次乙未某月朔日皇帝御名恭遣某官昭薦於安穆皇后郭氏安恭皇后夏氏自閉長秋久安窀穸園城之內繕修以時庶役將興淑靈其妥

尚饗

加上 光克壽聖憲天体道性仁誠德經武緯文

太上

皇帝 壽聖齊明廣慈太上皇后尊號冊宝奏告

天地首社稷_{二首不稱臣}太一宮祝文 一首並同詞

維淳熙二年歲次乙未某月朔日嗣天子臣御名伏

為太上皇帝聖壽無疆新歲七十將以十一月一日

奉冊寶加上尊號曰光克壽聖憲天体道性仁誠德

經武緯文太上皇帝并加上太上皇帝尊號曰壽聖

齊明廣慈太上皇后謹遣某官敢昭告于昊天上帝

伏以天祐我家丕延親壽念非訂群議揚鴻徽則何

以上符帝心下副民願式涓日並至衍尊稱先期告

虔庶格靈鑒尚饗

奏告太廟別廟景靈宮祝文 太廟別廟共十四首 景靈宮三首已上

並同天地等詞內別廟安穆安宮二首

祭告安穆皇后安恭皇后殯宮祝文 各一首

茲者天祐君親丕延壽祉載崇茂典並上鴻名國有

大慶先期以告尚饗

淳熙三年

仲春補種安穆皇后安宮皇后殯宮祝文

木拱瑩園器陳殿宇歲當仲春補治有常躰魄如存
其安於是

太陽交蝕祭告祝文

維淳熙三年歲次丙申三月丙午朔嗣天子御名謹
遣某官敢昭告於太社伏以維暮之春太陽交蝕日
官以告震畏靡寧雖次舍當然而祈禳敢急竭誠歲
事妥舉舊章冀抑群陰遂消沴氣

太陽交蝕祭謝祝文

伏以季春告朔日有蝕之方勵寅恭庶銷咎證荷天
眷顧蔽以雲陰期懋厥修仰禱嘉貺

南郊大禮祭告五歲四海四瀆祝文

四首俾路通去虔

維淳熙三年歲次丙申月朔日皇帝御名伏為今年
十一月十二日謁款於南郊謹遣某官敢昭薦於南
嶽司天昭聖帝伏以國之大事莫重親祠已卜仲冬
載行盛禮逖瞻喬嶽作鎮南方先事告虔冀孚誠意

東海南海

三歲一郊實惟報本先期誕告今復其時東望洪濤
百川所納馳辭致禱冀效珎符

南海改作南望洪濤

江瀆

三歲一郊實惟報本先期誕告今復其時西望岷江

百川所尊馳絆致禱冀效珍符

太常寺申乞撰脩奉安恭皇后下宮神帳板壁
告遷神御權奉安祝文

維淳熙三年歲次丙申七月甲辰朔某日皇帝御名
恭遣某官敢昭薦於安恭皇后夏氏殯宮設次以妥
神棲閱時浸深陽剝當治暫徙遷御其顧其安

立皇后奏告天地社稷祝文

伏以惕承鴻緒久闕椒房選繇列妃俾聽內治既尊
慈訓亦協衆心授冊有期預伸祇告

宗廟祝文

伏以祭服之為穉桂之獻皆梁內助以奉宗祊稟命
親庭自妃而后涓辰發冊敢不告虔

景靈宮祖宗諸后神御祝文

伏以維邦之媛早事初潛登進椒塗蓋遵親訓禮行
有日敢不告虔先祖是皇冀綏後祿

景靈宮祖宗諸后神御祝文

伏以維邦之媛久冠列妃茲正長秋聿遵親訓前期
致告式協舊規有恤闕宮冀綏後祿

太一宮祝文

伏以正假有家天作之合涓辰既告典冊將行仰止

壽宮天神之貴兆祥祐福敢不告虔

安穆安宮皇后祝文

自虛椒掖十載於茲爰正坤儀用修陰教前期以告其克知歆

郊祀大礼脩整雅飾太廟殿宇等畢工告遷祖

宗帝后神主并別廟神主還殿室時前奏告祝

二十三首一詞內一首懿節
皇后同詞

維淳熙三年歲次丙申九月癸卯朔某日孝曾孫嗣

皇帝臣御名謹遣某官敢昭告於祖宗帝后伏以躬

郊之歲款廟為先前戒工徒飾修殿宇逮茲訖事神

主將還爰擇良辰預伸奏告

安穆皇后安恭皇后祝文 二首一詞
稱皇帝

躬郊之歲享廟有常預戒工徒飾修殿宇逮今訖事

神主將還爰命攸司先時致告

大礼修整太廟殿宇等畢工告遷神祖宗等別廟

神主還殿正奉安祝文 一十四首一詞內一首懿節皇后
同詞

伏以國之大事莫重親郊祗率舊章載新祖廟是涓

吉旦還奉威靈永冀妥安益敷多祐尚饗

安穆皇后安恭皇后祝文 一首一詞

歲當躬郊載飾別廟逮茲訖事還奉神遊歆此精裒

安於佑室

郊祀大祀前一日朝饗太廟差官祀七祀祝文
一首

維淳熙三年歲次丙申十一月壬寅朔某日皇帝御
名謹遣某官恭祭于司命戶竈中霤門厲行伏以躬
郊之歲咸秩無文矧如七祀着於祭法前期款廟併
舉舊章群姓億寧茲為受戩尚饗

郊祀大祀前二日朝獻景靈宮分詣奉告中殿
祝文

維淳熙三年歲次丙申十一月壬寅朔某日孝曾孫
嗣皇帝臣御名謹遣某官敢昭告於祖宗諸帝伏以
祝事之重親郊為先當預獻闕宮之時有分詣帝殿
之礼仰祈列聖垂鑒忱誠

後殿祝文 二首一詞

伏以祀事之重親郊為先當預獻闕宮之時有分詣
後殿之礼仰祈懿範垂鑒忱誠

郊祀大祀前二日奏告太祖皇帝太宗皇帝配
佑祝文 二首一詞

維淳熙三年歲次丙申十一月壬寅朔某日孝曾孫
嗣皇帝臣御名謹遣某官敢昭告于太祖皇帝太宗

皇帝伏以天生地施被萬方而不宰祖功宗德垂百世以無穹繫勲烈之同符宜郊祠之並侑預伸懇悃仰俊俟鑒觀尚享

太一宮脩蓋璇璣觀畢功奉安北斗神像時前奏告五福十神太一祝文

維淳熙三年歲次丙申某月朔日嗣天子臣御名謹遣某官敢昭告于五福太一君恭太一大遊太一小遊太一天一太一地一太一四神太一臣某太一民某太一直符太一伏以斗有環域天之三辰比飾琳宮載崇像設欽惟太一館御相望安奉有期併神祇告尚饗

太一宮脩蓋璇璣觀畢工奉安北斗像時前奏告太上皇帝本命殿祝文

維淳熙三年歲次丙申某月朔日皇帝御名謹遣某官敢昭告于光堯壽聖憲天体道性仁誠德經武締文太上皇帝丁亥見生星斗君光堯壽聖憲天体道性仁誠德經武締文太上皇帝丁亥本命真官光堯壽聖憲天体道性仁誠德經武締文太上皇帝丁亥元辰真官伏以維北有斗乃神之尊比飾祠庭載嚴象設瞻言介福之館御欽奉慈皇之命允困創

新規併伸祇告尚饗

太一宮脩蓋璇璣觀畢工奉安北斗像時前告

奏祝文

維淳熙三年歲次丙申某月朔日嗣天子臣御名謹遣某官謹上啟三清聖像伏以模七曜之真容雖載新於琳宇望三清之勝境初靡隔於璿霄念設位之有期豈告虔之敢緩仰繫道蔭並佑民生

太一宮脩蓋璇璣觀畢工奉安神像時奏告告

還北斗神像

維淳熙三年歲次丙申某月朔日皇帝御名謹遣某

官敢昭告于北斗陽明太尉府天英貪狼星君北斗陰精上宰府天任巨門星君北斗真人司空府天柱祿存星君北斗真冥游繫府天心文曲星君北斗丹元斗君府天禽廉真星君北斗北極太常府天輔武曲星君北斗天關上帝府天衝破軍星君并闔觀之神伏以維北有斗象垂大微運平四時斟酌元氣君人奉若其敢弗欽比新琳祠寅事貞像涓期安奉預布誠悃

太一宮脩蓋璇璣觀畢工奉安北斗神像祝文

同伏以斗運天中臨制四嚮蓋七政之樞機陰陽之

元本也必專崇奉乃格福祥茲營新宮嚴飾辟表受神伊始敢不告虔

佑聖觀奉安時前奏告祝文

維淳熙三年歲次丙申十二月壬申朔某日皇帝御名謹遣某官敢昭薦于佑聖真武靈應真君伏以肇營潛邸改創琳祠專奉威神冀綏福祉涓辰移御預告吉蠲尚饗

佑聖觀正奉安祝文

伏以考卜殊庭欽崇像設日時既練安奉有初家用平康民無災害舉繫神况庸致誠祈

淳熙四年

進呈安奉仁宗皇帝玉牒徽宗皇帝實錄奏告

景靈宮祝文

三月九日

維淳熙四年歲次丁酉三月辛丑朔七日丁未孝曾孫嗣皇帝臣御名伏為今月九日安奉仁宗皇帝玉牒於玉牒殿并安奏徽宗皇帝實錄於敷文閣謹遣某官敢昭告于諸帝后於穆仁祖其仁如天茲舉宏綱者之宝牒爰暨徽廟久臨丕基舊錄脫遺載加纂集並消吉旦將謹襲藏前期告虔式表誠敬

仁宗皇帝仁宗皇帝后祝文

伏為編脩玉牒成書以今日九月九日奉安於玉牒殿謹遣某官周某敢昭告于仁宗皇帝伏以自天聖迄嘉祐四十二年之間積德流慶與夫農化懿綱皆足以傳無穿而施罔極茲舉大要著之簡編安奉有期不敢不敢

太陽交蝕祭告祝文

維淳熙四年歲次丁酉九月丁酉朔嗣天子大社不稱臣謹遣某官敢昭告于大社伏以季秋月朔辰鼎集於房茲用敬禱有神昭嚴恭寅畏之意尚其致祥消疹永孚佑于下民

祭謝祝文

伏以月臨無射合朔應占營以朱絲具存古制雲陰倏合曾不為災致謝有儀敢忘其舊

淳熙五年

安穆安恭皇后殯宮祝文

維淳熙五年歲次戊戌二月丙寅朔某日皇帝御名恭遣某官敢昭薦于安穆皇后郭氏安恭皇后夏氏瞻言園域實在近郊歲卜仲春補新易舊有司歲事維以告虔尚饗

進呈奉安三祖下第六世仙源類譜 仁宗皇

帝王牒奏告青詞

二首

并中後殿祝文

五首一詞十月七日奏告

伏以紀皇室之本支甫周六世次昭陵之德業又決十年將傳信于無窮宜宝藏之惟謹先期致告靈鑒必孚

淳熙六年

明堂大禮雅飾太廟時前奏告祖宗帝后祝文

一十三首共一詞

六月十六日

伏以三歲親祠國之盛禮卜茲秋杪大饗合宮預詔攸司飾脩太室神靈如在敢不告虔

別廟懿節皇后同詞

別廟安穆安恭皇后祝文各一首

祭祀明堂屬當秋杪瞻言別廟預致繕脩茲協舊章庶孚靈監

推奉安祖宗皇后神主祝文 十三首一詞

伏以左廟有嚴厄工雅飾暫勤祐主移御別楹奠安

靈心敢肅以告

懿節皇后同詞

安穆安恭皇后祝文各一首

歲屬親祠圖新廟室肆陳別幄暫妥神棲尚其顧歆以迄工役

雅飾太廟別廟祭告土地祝文

肇裡總章先裸祖廟消辰維吉葺舊加新土木方興

神明其祐

明堂大祀祭告九宮貴神祝文 九首一詞

維淳熙六年歲次己亥九月丙辰朔十六日辛未嗣
天子御名謹遣某官敢昭告于九宮貴神太一攝提
摧星招搖天符青龍咸池大陰天一伏以財成元化
陰騭下民凡國親詞即壇別祭茲肇禋於重屋敢徼
福於大神酌天室之舊儀循祥符之定制庶幾鑿格
永底平安謹以玉帛牲齊粢盛庶品恭陳明薦于神
尚饗

明堂大祀祭大社 并配后上 太稷 并配后 祝文 二首

維淳熙六年歲次己亥九月丙辰朔十六日辛未嗣
天子御名謹遣某官敢昭告于大社伏以祀于總章
國為大事缺而弗講垂二十年茲卜中辛躬執圭幣
瞻言五土 大稷作 神實之大饗之期適當秋報即壇藏
事祇薦二精庶其降康以嗣以緒謹以玉帛牲齊粢
盛庶品恭陳明薦以后土勾龍氏配神作主尚饗 太稷
前以后稷氏配
神作主尚享

明堂大祀祭后土勾龍氏后稷氏祝文 二首

維淳熙六年歲次己亥九月丙辰朔十六日辛未皇
帝御名謹遣某官敢昭薦于后土勾龍氏伏以大饗

明堂國家盛禮欽惟土正后稷改功在生民三代以

來世脩祀典申詔執事藏儀于壇屢於豐年於以昭

報謹以量幣牲齊粢盛庶品恭陳明薦作主侑神尚

饗后稷詞同

明堂大禮前一日朝饗太廟差官祀七祀祝文

維淳熙六年歲次己亥九月丙辰朔十五日庚午皇

帝御名謹遣某官恭祭于司命戶竈中霤門厲行伏

以王立七祀著於祭法載於月令其來尚矣茲予大

享合宮先薦清廟乃命執事旅神於庭各迪有功侑

我群姓尚饗

明堂大禮前二日奏告太祖太宗配侑祝文

維淳熙六年歲次己亥九月丙辰朔十四日己巳孝

曾孫嗣皇帝臣御名謹遣某官敢昭告于太祖尊謚

皇帝太宗尊謚皇帝伏以歲屬親祠禮嚴宗祀永懷

祖烈實配天明將佑坐於堂筵豫告虔於廟室庶綏

靈顧以迄熙成尚饗

明堂大禮畢祭謝五嶽四海四瀆祝文四道係路通

伏以合宮親饗景况駢駘荷天心之顧懷抑神力之

陰相馳詞無遠致謝有常祈鑒乃誠益孚厥祐

明堂大禮畢祭謝南鎮會稽山永濟王祝文

伏以歷吉季靈藏儀宗祀賴天况施熙事備成顧瞻
名山近在浙左敢忘昭謝以答林休

明堂大禮畢祭謝五嶽四海四瀆祝文

係路未
通去地

十月二
十八日

伏以比卜季秋肇脩宗祀陰晴協應典禮熙成居歆
雖何於帝臨望秩抑資於神佑恪伸報謝庸違忱誠

明堂大禮畢祭謝安穆安恭皇后嬪宮祝文

同前

明堂盛禮久曠弗行茲以季秋躬執圭幣天地况施
祖宗顧歆追合后儀常勤內助營園在望庸告熙成

淳熙七年

玉牒所玉牒殿安奉仁宗皇帝

哲宗皇帝玉牒前一日景靈奏告仁宗哲宗祝

文 四月四日

伏以仁心善政著在當時舉要提綱採諸信史成篇
來上將遂宝藏載念丕彛敢忘允踏

秘書省分撰 欽宗孟夏朔祭祝文

紹興三十二年任
正字日

維年月日孝弟嗣皇帝臣 御名 謹遣某官敢昭告于
皇兄欽宗恭文順德仁孝皇帝孔懷之感四序所同
矧屆清和昔惟誕月吉蠲以禴追慕尤深謹以某物
祇告神灵用遵典祀尚饗

祭文

太師太寧郡王吳益出殯祭文

維乾道七年歲次辛卯三月乙亥朔十三日甲申皇帝遣某官致祭于故太師太寧郡王吳益之靈惟靈襲慶外家逢時中興躬循法度安享寵榮爵五等位極三旌眷禮之優戚畹莫京先民有言權族好傾嘉我元舅不汰于盈柔惠且直景周之申明戒好謙師漢之寵謂當百年壽考康寧中道遽殞何辜於神卜筮來咸牆翬將行不有遣奠孰昭至情爾肴維嘉爾酒維清詞以侑之悲哉我心尚饗

皇子魏王愷殯曆興靈祭文

淳熙七年三月二日

惟王之德忠孝慈仁何辜於天遽奪之齡訃聞維久
彌測我心涉江而東仁祠邃深姑即殯塗以棲女神
遣宵有奠寓哀斯文尚饗

玉堂類稿卷第十七

